



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU **SOCIJAL DEMOKRATSKOG FRONTA BOSNE I HERCEGOVINE**

Broj: 03-07-6-593/16
Sarajevo, 18.04.2018. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Socijal demokratskog fronta Bosne i Hercegovine za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Socijal demokratski front Bosne i Hercegovine prekršio odredbe člana 5. stav (4), člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Socijal demokratskog fronta Bosne i Hercegovine za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Socijal demokratski front Bosne i Hercegovine se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	270,00	100,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	270,00	100,00
II	Ostali prihodi i drugo	0,00	0,00
	Izvori finansiranja (I+II)	270,00	100,00

U godišnjem finansijskom izvještaju stranka je iskazala rashode u ukupnom iznosu od 245,10 KM.

2. PREDSTAVLJANJE POLITIČKE STRANKE

Naziv političke stranke: Socijal demokratski front Bosne i Hercegovine. Skraćeni naziv: SDF BIH.

Socijal demokratski front Bosne i Hercegovine registrovan je kod Općinskog suda u Mostaru, rješenjem broj: R/2-14 od 24.04.2014. godine.

Sjedište stranke je u Mostaru, Gaše Ilića 13.

Lice ovlašteno za zastupanje stranke u 2016. godini je Armin Devedžija, predsjednik¹.

Lice ovlašteno za podnošenje finansijskih izvještaja za 2016. godinu je Hatidža Gagula.

Prema podacima iz godišnjeg finansijskog izvještaja za 2016. godinu, Socijal demokratski front Bosne i Hercegovine nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Socijal demokratskog fronta Bosne i Hercegovine za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

¹ Rješenjem Općinskog suda Mostar broj: R/2-17 od 29.05.2017. godine novi predsjednik stranke je Nihad Cokoja.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Socijal demokratskog fronta Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjeg finansijskog izvještaja Socijal demokratskog fronta Bosne i Hercegovine za 2014. i 2015. godinu, nakon čega je izdat izvještaj o pregledu sa mišljenjem revizora, nalazima revizije.

Nakon izvršenog pregleda godišnjeg finansijskog izvještaja za 2015. godinu, Služba za reviziju je izdala izvještaj o pregledu sa mišljenjem revizora da je stranka postupala u skladu sa odredbama Zakona o finansiranju političkih stranaka.

5. NALAZI I PREPORUKE

5.1 NALAZI

a) Socijal demokratski front Bosne i Hercegovine prekršio je odredbe člana 5. stav (4)² Zakona o finansiranju političkih stranaka.

Pregledom godišnjeg finansijskog izvještaja Socijal demokratskog fronta Bosne i Hercegovine za 2016. godinu, utvrđeno je da stranka nije uspostavila evidenciju o nenovčanoj donaciji fizičkog lica, niti je istu prijavila u finansijskom izvještaju.

Uvidom u Izjavu o korišćenju poslovnog prostora koju je dostavio Socijal demokratski front Bosne i Hercegovine³, utvrđeno je da je stranka koristila poslovni prostor u vlasništvu Ćosić Junuza, bez plaćanja zakupnine.

Korištenjem poslovnog prostora, bez plaćanja zakupnine, Socijal demokratski front Bosne i Hercegovine je primio nenovčanu donaciju, koju je u skladu sa odredbama iz člana 5. stav (4) Zakona o finansiranju političkih stranaka i Pravilnikom o godišnjim finansijskim izvještajima političkih stranaka imao obavezu da evidentira u poslovnim knjigama i prijavi u godišnjem finansijskom izvještaju za 2016. godinu.

b) Politička stranka nije postupila u skladu sa odredbama člana 11.⁴, člana 12. stav (1)⁵ i (4)⁶ Zakona o finansiranju političkih stranaka.

Na osnovu finansijskog izvještaja, finansijske dokumentacije koju je na zahtjev Centralne izborne komisije BiH dostavila politička stranka, utvrđeno je da stranka nije vodila poslovne knjige u skladu

² Političke stranke dužne su voditi evidenciju o prijemu članarina i dobrovoljnih prihoda, te izdavati potvrde o prijemu članarina i dobrovoljnih priloga.

³ Izjava stranke o korišćenju poslovnog prostora broj: 02-09/17 od 25.09.2017. godine, koji se nalazi na adresi Gaše Ilića, broj 13 u Mostaru.

⁴ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁵ Politička stranka vodi evidenciju o svojim prihodima i rashodima.

⁶ Do 31. marta naredne godine politička stranka podnosi finansijski izvještaj u formi koju odobri Centralna izborna komisija BiH.

sa računovodstvenim propisima i nije uspostavila evidenciju o prihodima i rashodima. Stranka nije u skladu sa odredbama člana 11. stav (1) i člana 12. stav (1) i (4) Zakona o finansiranju političkih stranaka uspostavila evidenciju o nenovčanoj donaciji, koju je ostvarila korišćenjem poslovnog prostora bez naknade, niti troškove zakupnine u istom iznosu, čime je prekršila i odredbe člana 13., 18., 21. i 22. Pravilnika o godišnjim finansijskim izvještajima političkih stranaka.

Troškovi izborne kampanje

Socijal demokratski front Bosne i Hercegovine u finansijskom izvještaju nije iskazao troškove izborne kampanje.

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM⁷ po biraču u svakom izbornom krugu, prema broju birača koje je objavila Centralna izborna komisija BiH.

U svrhu izborne kampanje, Socijal demokratski front Bosne i Hercegovine je na osnovu broja birača, mogao da potroši 73.482,00 KM. Na zahtjev Centralne izborne komisije BiH koji je upućen političkoj stranci, da odgovori na koji način je finansirala izbornu kampanju, te u kom iznosu, s obzirom da u finansijskom izvještaju nije prijavila troškove kampanje, stranka je dostavila izjavu u kojoj je navela da je vodila kampanju putem javnih servisa za predstavljanje stranke besplatno uključujući i tzv. kampanju od čovjeka do čovjeka, bez plaćenih oglasa i zakupljenih termina, te da time nisu ni imali potrebe za bilo kakvim izdacima u svrhu izborne kampanje.

5.2 PREPORUKE

Preporučuje se Socijal demokratskom frontu Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da vodi evidencije o primljenim priložima,***
- ***da vodi potpune evidencije o prihodima i rashodima i***
- ***da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.***

KOMENTAR

Politička stranka Socijal demokratski front Bosne i Hercegovine nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Pomoćnik revizora
Mr. sc. Goran Cicović

Šef Službe za reviziju
Mr.sc. Hasida Gušić

⁷ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.